

URDHËR
Nr. 567, datë 25.7.2024

**PËR PËRDITËSIMIN E URDHRIT TË MINISTRIT NR. 275, DATË 5.5.2023,
“PËR MIRATIMIN E LËNDËVE VEPRUESE DHE PËRBËRËSVE TË TJERË,
NË PËRMBAJTJE TË PMB-ve”, TË NDRYSHUAR**

Në mbështetje të nenit 102, pika 4 të Kushtetutës, të nenit 19, pika 5, të kreut V, të ligjit nr. 105/2016, “Për mbrojtjen e bimëve”, i ndryshuar, si dhe të vendimit nr. 335, datë 6.6.2018, të Këshillit të Ministrave, “Për miratimin e rregullave për regjistrimin të procedurës dhe kriterëve të vlerësimit të produkteve për mbrojtjen e bimëve”, të ndryshuar, dhe sipas propozimit të strukturës përgjegjëse për mbrojtjen e bimëve;

URDHËROJ:

1. Në urdhrin e ministrit nr. 275, datë 5.5.2023, “Për miratimin e lëndëve vepruese dhe përbërësve të tjerë, në përmbajtje të PMB-ve”, të ndryshuar, bëhet përditësimi me ndryshimet dhe shtesat, si më poshtë:

a) në pjesën B, të shtojcës 1, miratohet për shtim 1 (një) lëndë vepruese bazike, bashkëlidhur këtij urdhri;

b) rinovohet regjistrimi për 1 (një) lëndë vepruese candidate për zëvendësim, bashkëlidhur këtij urdhri;

c) zgjaten afatet e regjistrimit për 4 (katër) lëndë vepruese, bashkëlidhur këtij urdhri;

ç) hiqet 1 (një) lëndë vepruese, bashkëlidhur këtij urdhri.

2. Përditësimi sipas shkronjës “c” të pasqyrohet në dokumentet e regjistrimit të PMB-ve, të regjistruara.

3. Për PMB-të me përmbajtje të lëndës vepruese sipas shkronjës “ç”, çregjistrimi dhe heqja nga tregu të kryhen brenda afateve të përcaktuara sipas këtij urdhri, si dhe të njoftohen Autoriteti Kombëtar i Ushqimit, Autoriteti Kombëtar i Veterinarisë dhe Mbrojtjes së Bimëve, si dhe Instituti i Sigurisë Ushqimore dhe Veterinarisë.

4. Për zbatimin e këtij urdhri ngarkohet Drejtoria e Përgjithshme e Zhvillimit në Fushën e Sigurisë Ushqimore, Veterinarisë, Mbrojtjes së Bimëve dhe Peshkimit në Ministrinë e Bujqësisë dhe Zhvillimit Rural.

Ky urdhër hyn në fuqi menjëherë dhe botohet në Fletoren Zyrtare.

MINISTËR I BUJQËSISË DHE ZHVILLIMIT RURAL.

Anila Denaj

1. MIRATOHET PËR SHTIM NË PJESËN B, TË SHTOJCËS 1, LËNDA VEPRUESE
BAZIKE SI MË POSHTË:

Nr.	Emri i zakonshëm dhe numri i identifikimit	Emërtimi IUPAC	Pastërtia	Data e miratimit	Dispozita specifike
1	<i>Onobrychis viciifolia</i> (sainfoin) peleta të thara CAS No: Nuk disponohet CIPAC No: Nuk disponohet	Nuk disponohet	1000 g/kg. Papastërtitë përkatëse: Arsenik (1 g/kg), Kadmium (0,1 g/kg), Krom-VI (0,1 g/kg), Merkur (1 g/kg), Nikel (0,1 g/kg) , Plumb (0,3 g/kg).	17 korrik 2024	<i>Onobrychis viciifolia</i> (sainfoin) peleta të thara do të përdoren në përputhje me kushtet specifike të përfshira në konkluzionet e raportit të rishikimit për <i>Onobrychis viciifolia</i> (sainfoin) peleta të thara (PLAN/2024/790 RR rev1) dhe në veçanti shtojcat I dhe II të tij.

2. RINOVOHET REGJISTRIMI (RIREGJISTRIM) PËR LËNDËN VEPRUESE KANDIDATE
PËR ZËVENDËSIM SI MË POSHTË:

Nr.	Emri i zakonshëm dhe numri i identifikimit	Emërtimi IUPAC	Pastërtia	Data e miratimit	Data e përfundimit	Dispozita specifike
1.	Metconazole Nr CAS: 125116-23-6 (stereokimi i padeklaruar) CIPAC Nr: 706	(1RS,5RS:1R S,5SR)-5-(4-chlorobenzyl)-2,2-dimethyl-1-(1H-1,2,4-triazol-1-ylmethyl) cyclopentanol	≥ 940 g/kg (shuma e cis- dhe trans-izomerëve) me nivel cis-metconazole (CI 354801) jo më pak se 800 g/kg dhe jo më shumë se 950 g/kg. Papastërtitë e mëposhtme nuk duhet të kalojnë nivelet e mëposhtme në materialin teknik: - toluen: 2 g/kg; - etilcikloheksan 2 g/kg.	1 shtator 2024	31 gusht 2031	Përdorimi duhet të jetë i kufizuar për përdoruesit profesionistë. Për zbatimin e parimeve uniforme, do të merren parasysh konkluzionet e raportit të rinovimit të metkonazolit, dhe në veçanti shtojcat I dhe II të tij. Në vlerësimin e përgjithshëm, do të kushtohet vëmendje e veçantë për: - vlerësimin e ekspozimit të konsumatorit në lidhje me mbetjet që mund të jenë të pranishme në kulturat primare dhe kulturat pasuese të kultivuara në qarkullim; - mbrojtjen e operatorëve dhe kalimtarëve /banorëve; - mbrojtjen e organizmave ujorë. Kushtet e përdorimit do të përfshijnë masa për zbutjen e rrezikut, aty ku është e nevojshme. Aplikanti të paraqesë informacion konfirmues gjatë aplikimit në lidhje me: 1. efektin e proceseve të trajtimit të ujit në natyrën e mbetjeve të pranishme në ujërat sipërfaqësore dhe nëntokësore, kur ujërat sipërfaqësore ose nëntokësore nxirren për ujë të pijshëm; 2. profilin e përgjithshëm të toksicitetit të metabolitëve M11 dhe M21, që duhet të hetohet më tej për të konfirmuar vlerat e duhura të referencës toksikologjike të zbatueshme për to. Për më tepër, konfirmimi i pranishmësisë së M11 dhe M21 dhe raporti i tyre midis përbërjeve të metconazole të monohidroksiluar në kultura, me qëllim që të konfirmohet përkufizimi i mbetjeve për vlerësimin e rrezikut.

3. ZGJATEN AFATET E REGJISTRIMIT PËR LËNDËT VEPRUESE SI MË POSHTË:

- **Deri më 15 shtator 2026:**

1. S-abscisic acid
2. Amisulbrom

Gjithsej: 2 (dy) lëndë vepruese.

- **Deri më 1 mars 2027:**

1. Valifenalate
2. Thiencarbazonë

Gjithsej: 2 (dy) lëndë vepruese.

Totali: 4 (katër) lëndë vepruese.

4. HIQEN LËNDËT VEPRUESE SI MË POSHTË:

1. Acibenzolar-S-methyl

Miraimi i lëndës vepruese acibenzolar-S-methyl tërhiqet.

Të kryhet çregjistrimi i produkteve të mbrojtjes së bimëve që përmbajnë acibenzolar-S-methyl, brenda datës 10 janar 2025.

Heqja nga tregu i produkteve të mbrojtjes së bimëve që përmbajnë acibenzolar-S-methyl, të përfundojë brenda datës 10 korrik 2025.

Gjithsej: 1 (një) lëndë vepruese.